

PEMBERITAHUAN PERTANYAAN
DEWAN RAKYAT, MALAYSIA

PERTANYAAN : LISAN
DARIPADA : Y.B DATUK NOOR EHSANUDDIN BIN MOHD
HARUN NARRASHID
KAWASAN : KOTA TINGGI
TARIKH: 24.11.2014 (ISNIN)
NO. SOALAN : 23

Y.B Datuk Noor Ehsanuddin Bin Mohd Harun Narrashid minta MENTERI PERDAGANGAN ANTARABANGSA DAN INDUSTRI menyatakan berapakah jumlah syarikat yang mendapat lesen permit mengimport gula.

JAWAPAN

Tuan Yang Di Pertua,

Untuk makluman Ahli Yang Berhormat, pada masa ini kelulusan Lesen Import (AP) bagi gula adalah seperti berikut:

- (i) bagi pengimportan gula mentah, AP hanya diluluskan kepada empat syarikat yang mempunyai Lesen Pengilang yang menjalankan aktiviti pengeluaran gula bertapis; dan

- (ii) bagi pengimportan gula bertapis, pengeluaran AP hanya diluluskan kepada syarikat pengilang makanan dan minuman yang menggunakan gula bertapis sebagai bahan mentah bagi pengeluaran sendiri produk keluaran mereka. Setakat ini, sebanyak 30 buah syarikat pengilang makanan/minuman yang layak telah diluluskan AP untuk mengimport gula bertapis.

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN
TARIKH : 24 NOVEMBER 2014
[ISNIN]
DARIPADA : Y.B. TUAN LIEW CHIN TONG
[KLUANG]

SOALAN :-

Y.B. TUAN LIEW CHIN TONG [KLUANG] minta **MENTERI KESEJAHTERAAN BANDAR, PERUMAHAN DAN KERAJAAN** menyatakan :- *→ Ask PM*

- (a) perbelanjaan persekutuan pengangkutan awam dari tahun 2004-2014 dalam pecahan terperinci dalam semua negeri dan dalam pecahan terperinci dalam 149 buah Kerajaan Tempatan; dan
- (b) peraturan dan bentuk kerjasama dengan Kerajaan Tempatan mengikut Seksyen 101 (0) dan Seksyen 102 (I), Akta 171.

JAWAPAN :-

Tuan Yang di-Pertua,

- (a) Untuk makluman Ahli Yang Berhormat, Kementerian Kesejahteraan Bandar, Perumahan dan Kerajaan Tempatan (KPKT) tidak menyediakan peruntukan bagi pengangkutan awam kerana ia di bawah Suruhanjaya Pengangkutan Awam Darat (SPAD), Jabatan Perdana Menteri.

- (b) Bagi Seksyen 101 (o) dan Seksyen 102 (I), setakat ini, KPKT tidak mengeluarkan sebarang Undang-undang kecil bagi melesenkan perkhidmatan pengangkutan awam di PBT kerana ia di bawah bidang kuasa agensi lain seperti Suruhanjaya Pengangkutan Awam Darat (SPAD). Walau bagaimanapun, PBT boleh memberi kerjasama kepada SPAD sekiranya terdapat permohonan yang dikemukakan kepada SPAD untuk sebarang ulasan contohnya sekiranya terdapat permohonan oleh mana-mana pengusaha pengangkutan awam

untuk memberikan perkhidmatan seperti bas di laluan tertentu yang mana ianya terletak di bawah bidangkuasa PBT berkenaan.

Kementerian Kesejahteraan Bandar,
Perumahan dan Kerajaan Tempatan

November 2014